



REPUBLIKA E SHQIPËRISË
GJYKATA E RRETHIT GJYQËSOR

NR.RREGJ.THEM.313

DATA E REGJISTRIMIT 09.02.2016

NR.VENDIMI 5756

DATA 06.09.2019



“NE EMER TE REPUBLIKES”

GJYKATA E RRETHIT GJYQËSOR TIRANË, E PERBERE NGA:

MARINELA OSMANI – GJYQTARE

Asistuar nga sekretare gjyqesore Rovena Behaj, sot me date 06.09.2019, perfundoi shqyrtimin ne dhome keshillimi, çeshtjen tregtare Nr.313, qe i perket:

KERKUESE: Shpresa Breçani, Administratore e Falimentimit e Shoqerise “G&T” sh.p.k, ne falimentim.

OBJEKTI: Mbyllja e procedures se falimentimit te te Shoqerise “G&T” shpk.

BAZA LIGJORE: Nenin 3, 4, 5, 6, 7, 8, 163 e vijues te ligjit Nr.8901, date 23.05.2002 “Per falimentimin” (i ndryshuar).

Gjykata, ne perfundim te shqyrtimit te si me lart, pasi realizoi mbledhjen perfundimtare te kreditoreve te falimentimit dhe degjoi ata dhe Administratoren e Falimentimit te Shoqerise “G&T” sh.p.k, ne falimentim, ne lidhje me vijimesine e procedures dhe shqyrtoi çeshtjen ne teresi;

VEREN

1. Shoqëria “G & T” sh.p.k është një shoqëri tregtare e regjistruar në Qendren Kombetare te Regjistrimit Tirane, e cila ushtron aktivitetin tregtar në fushën e “design, aplikime grafike, shtypshkrimin e botimeve te ndryshme, fletepalosje, postera, ftesa kartvizita, reklama televizive dhe xhami ndriçues etj. Konstruksione metalike dhe veshje fasadash, importimin dhe eksportimin e artikujve te perunuar dhe gjysem te perpunuar te metaleve me ngjyre per prodhim reklamash, prodhim mjetesh lundruese.”

2. Me vendimin Nr.5992, date 09.06.2016, Gjykata e Rrethit Gjyqësor Tirane ka vendosur:

- Pranimin e kerkeses se kerkuesit Shoqeria “G&T” sh.p.k.

- Hapjen ne oren 15.00, te dates 09.06.2016, te procedures se falimentimit te Shoqerise “G&T” sh.p.k , me seli ne Tirane, Adresa: Rruga. “Vorë – Fushë Krujë”, Km.5, Fushë Prezë Tiranë.
- Emerimin si administratore te falimentimit, per Shoqerine “G&T” sh.p.k, te 21.05.2016, me licencen Nr.9, date 14.10.2014, me Adrese: Rr. “Jordan Misja”, Pll. Sara El, Shk. 1, Ap. 1, Tiranë.
-



3. Gjate zhvillimit te procedures jane mbajtur mbledhja per raportim dhe mbledhja per verifikimin e pretendimeve, te cilat kane perfunduar me miratimin e tabelave perkatese te pretendimeve te kreditoreve te Shoqerise “G&T” shpk.

4. Nga ana e administratores se falimentimit me shkresen e depozituar me Nr.4042Prot., date 20.05.2019 eshte vene ne dispozicion tabela e shperndarjes perfundimtare per masen e falimentimit ne shumen 690,492 leke.

5. Me vendimin Nr.313akti, date 30.05.2019, Gjykata e Rrethit Gjyqesor Tirane ka vendosur:

1. Pranimin e kerkeses.
2. Miratimin e shperndarjes perfundimtare te mases se falimentimit ne shumen 690,492 leke, sipas tabelës se paraqitur nga Administratorja e Falimentimit e Shoqerise “G & T” sh.p.k, ne falimentim, bashkelidhur dhe pjese e ketij ketij vendimi.
3. Shperndarja e mases se falimentimit, sipas tabelës se miratuar, do te behet nga Administratorja e Falimentimit e Shoqerise “G & T” sh.p.k, ne falimentim, pas diskutimit te verejtjeve sipas neneve 160 dhe 157 te ligjit, ne mbledhjen perfundimtare te kreditoreve te falimentimit, ne afatet dhe menyren qe do te caktohet nga Gjykata ne kete mbledhje.
4. Caktimin e mbledhjes perfundimtare te kreditoreve te falimentimit, e cila do te mbahet ne Gjykatën e Rrethit Gjyqesor Tirane, ne date 26.06.2019, ora 10:00, kati i trete. Mbledhja perfundimtare e kreditoreve te falimentimit do te kete si rend dite:
 - a. Diskutimin e llogarive te paraqitura nga administratori i falimentimit;
 - b. Paraqiten verejtjeve ndaj listës përfundimtare te shperndarjes.
 - c. Diskutim mbi vijimesine e procedures.
5. Kreditorët e falimentimit kane te drejte te paraqesin me shkrim ne Gjykatën e Rrethit Gjyqesor Tirane, deri ne 7 dite para dates se caktuar, sipas pikes 3 te ketij vendimi, verejtjet ndaj listes perfundimtare te shperndarjes, nese ata kane. Nese kreditori i falimentimit eshte person juridik, kerkeses me shkrim duhet t'i bashkelidhet nje ekstrakt leshuar nga QKB (ne origjinal) dhe nje autorizim te posaçem leshuar nga administratori per perfaqesuesin. Mospermbushja e ketyre kritereve formale ben kerkesen e papranueshme per shqyrtim.
6. Nje kopje e ketij vendimi t'i njoftohet personalisht Administratores së Falimentimit Shpresa Breçani.

7. Nje kopje e ketij vendimi t'i njoftohet nga Administratorja e Falimentimit personalisht kreditoreve te falimentimit dhe debitorit Shoqerise "G & T" shpk, ne falimentim.
8. Nje kopje e ketij vendimi te shpallet publikisht ne faqen zyrtare te internetit te Gjykates se Rrethit Gjyqesor Tirane, per efekt njoftimi publik.
9. Ne daten 26.06.2019 u mbajt mbledhja perfundimtare e kreditoreve, ne te cilen u diskutuan llogarit e paraqitura nga administratorja e falimentimit dhe u kerkua paraqitja e verejtjeve lidhur me te dhe listen perfundimtare.
7. Gjate procedures se falimentimit, ne referim te nenit 17 te Ligjit Nr.8901 date 23.05.2002 "Per falimentimin" i ndryshuar, nga ana e Administratores se perkohshme te falimentimit te Shoqerise "G&T" shpk, shoqeri ne falimentim, eshte kerkuar informacion ne rruge zyrtare nga Institucionet e Kredise, Institucionet e Rregjistrimit te Pasurive te Luajtshme dhe te Paluajtshme, ne zyrat Permbarimore, si dhe ne institucione te tjera ne funksion te dhenies se informacionit te nevojshem per proceduren e falimentimit.
8. Gjykata e Rrethit Gjyqesor Tirane, me vendimin Nr.313 Akti, date 10.05.2019 ka vendosur urdherimin e menjehershme te Drejtorise se Pergjithshme te Sherbimeve te Transportit Rrugor Tirane per te hequr te gjitha urdherat e sekuestros dhe te beje zbllokimin e pasurive te luajtshme te Shoqerise "G&T" shpk, ne falimentim, ne favor te mases se falimentimit qe administrohet nga Administratorja e Falimentimit Shpresa Breçani, me qellim shitjen e tyre.
9. Pas mbledhjes perfundimtare te kreditoreve, me shkresen Nr.5496Prot., date 02.07.2019, administratorja e falimentimit njoftoi Gjykatën, per kalimin e shumës se grumbulluar ne perfundim te procedures ne favor te kreditorit te vetem te preferuar Drejtoria Rajonale Tatimore Tirane.
10. Bazuar ne nenin 163 te ligjit per falimentimin, sipas se cilit: "*Sapo te jete kryer shperndarja perfundimtar, seksioni tregetar i gjykates se rrethit vendos mbylljen e procedures se falimentimit. Vendimi dhe shkaku i mbylljes shpallen publikisht*".
11. Ne nenin 1 te ligjit per falimentimin percaktohet se: "*Procedura e falimentimit ka per qellim te shlyeje ne menyre kolektive detyrimet e debitorit nepermjet likuidimit te te gjitha pasurive te tij dhe shperndarjes se te ardhurave ose ne rastin e nje plani riorganizimimi nepermjet arritjes se nje marreveshje tjeter me synimin kryesor ruajtjen e veprimtarise se tij.*"
12. Nga permbajtja e ketij neni del qarte se jane njohur dhe pranuar dy menyra te shlyerjes kolektive te detyrimeve te debitorit: a) nepermjet likuidimit te te gjitha pasurive dhe shperndarjes se te ardhurave; b) nepermjet plan riorganizimit/nje marreveshje, qe synon ruajtjen e veprimtarise se debitorit. Nga percaktimi i ketij neni Gjykata çmon ne rastin konkret objekt gjykimi nuk ndodhemi perpara nje plani riorganizimi i cili i nenshtrohet rregullimeve te

parashikuara konkretisht ne kete ligj, por shlyerjes ne menyre kolektive te detyrimeve te debitorit nepermjet likuidimit te te gjitha pasurive te tij dhe shperndarjes se te ardhurave.

13. Ligji i posaçem dhe pse ne nenin 1 te tij jep qellimin e procedures se falimentimit dhe menytrat e realizimit te tij, nuk percakton shprehimisht pasojat qe vijne nga likuidimi per shkak te falimentimit i debitorit/shoqerise; nuk permban dispozita te veçanta mbi pasojat per likuidimin per shkak falimentimi lidhur me vete debitorin shoqeri, gje e cila pasjell dhe zbatimin e dispozitave te ligjit tregtar mbi likuidimin e nje shoqerie tregtare, persa i perket pasojave (ligji per falimentimin parashikon vetem shperndarjen e te ardhurave dhe te drejtat e kreditorëve te falimentimit mbas mbarimit te procedures se falimentimit sipas nenëve 164-167).

14. Pavaresisht shkakut te likuidimit (vullnetar apo falimentim) ne thelb qendron e njejta situatë: likuidim i te gjithë pasurisë se subjektit/shoqerise dhe shperndarjen e te ardhurave. Ne ligjin per shoqerite tregtare gjejmë te pasqyruar pasojat qe vijne nga likuidimi ne perfundim te tij: prishja e shoqerise dhe ç'rregjistrimi i shoqerise, pasi kemi te bejme me nje subjekt qe nuk mund te vazhdoje me aktivitetin e tij, te cilit tashme i eshte likuiduar e gjithë pasuria dhe shperndare te ardhurat.

15. Pasoja, prishja e shoqerise dhe ç'rregjistrimi i shoqerise nga likuidimi per shkak falimentimi eshte i parashikuar shprehimisht ne ligjin Nr.9901, date 14.04.2008, me ndryhimet. Neni 99 i tij sipas se cilit percaktohet se: "1. Shoqëria me përgjegjësi të kufizuar prishet: b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;...5. Prishja e shoqërisë, si pasojë e shkaqeve të parashikuara në shkronjën "b", të pikës 1, të këtij neni, vendoset nga gjykata kompetente për procedurat e falimentimit, kur, në përfundim të këtyre procedurave, të gjitha pasuritë e shoqërisë janë likuiduar për shlyerjen në mënyrë kolektive të detyrimeve ndaj kreditorëve apo kur gjykata kompetente për procedurat e falimentimit vendos rrezimin e kërkesës për hapjen e procedurës së falimentimit për shkak të pamjaftueshmërisë së pasurisë së shoqërisë për të mbuluar shpenzimet e procedurës së falimentimit...".

16. Nga ana tjetër ligji Nr.9723, date 03.05.2007 "Per Qendren Kombetare te Rregjistrimit"-neni 51, i ndryshuar, ligj i cili gjithashtu parashikon dhe rregullon edhe pasojat e ç'rregjistrimit ne nenin 53 te tij percakton çregjistrimi me vendim gjyqësor: "Subjekti mund të ç'rregjistrohet në bazë të një vendimi gjyqësor të formës së prerë që vendos se subjekti prishet, mbaron apo nuk mund të ushtrojë më veprimtari. QKR-ja çregjistron kryesisht subjektin në bazë të vendimit gjyqësor përkatës, me anë të të cilit vendoset çregjistrimi i subjektit në vijim të ndjekjes së procedurave të likuidimit në rrugë gjyqësore, në rastet kur ligji parashikon procedura likuidimi për këto subjekte, ose në vijim të ndjekjes së procedurave të falimentimit apo të procedurave të tjera që mund të kërkohen sipas ligjit."

17. Nga sa me lart parashtruar Gjykata arrin ne perfundimin se me kryerjen e shperndarjes se fundit kreditoreve te falimentit mbyllet procedura e falimentimit dhe shoqeria tashme eshte nje shoqerie e likuduar per shkak falimenti/e falimentuar dhe si e tille konsiderohet e prishur dhe duhet te ç'regjistrohet nga rregjistri tregtar prane QKB-se si dhe ne pasoje nga te gjitha organet e tjera, si: tatimore, doganore, etj, ne te cilat eshte e regjistruar.

PER KETO ARSYE

Gjykata bazuar ne nenet 126, 306-308 te Kodit te Procedures Civile, nenin 3, 4, 5, 6, 7, 8, 163 e vijues te ligjit Nr.8901, date 23. 05. 2002 "Per falimentimin" (i ndryshuar),

V E N D O S I

1. Mbylljen e procedures se falimentimit te Shoqerise "G&T" shpk, me NIPT K31902010N, me administrator Perparim Kurti, me seli në Tirane, Adresa: Rruga. "Vorë – Fushë Krujë", Km. 5, Fushë Prezë Tiranë.
2. Urdhërohet ç'regjistrimi i Shoqerise "G&T" shpk nga regjistri tregtar i shoqerive prane Qendres Kombetare te Biznesit.
3. Urdhërohet publikimi i vendimit për mbylljen e procedurave të falimentimit te debitorit Shoqerise "G&T" shpk, ne Buletinin Zyrtar të Njoftimeve Publike.
4. Urdhërohet publikimi i këtij vendimi, ne Qendrën Kombëtare të Biznesit, në adresën zyrtare në internet të këtij institucioni, në adresën zyrtare në internet të Gjykatës së Rrethit Gjyqësor Tiranë dhe te Drejtorise se Pergjithshme te Tatimeve.
5. Nje kopje e vendimit per mbylljen e procedures se falimentimit te Shoqerise "G&T" shpk, t'i dergohet Qendres Kombetare te Biznesit.
6. Nje kopje e vendimit per mbylljen e procedures se falimentimit te Shoqerise "G&T" shpk, t'i dergohet Drejtorise se Pergjithshme te Tatimeve si dhe Drejtorise Rajonale Tatimore Tirane.
7. Nje kopje e vendimit per mbylljen e procedures se falimentimit te Shoqerise "G&T" shpk, t'i dergohet Drejtorise se Pergjithshme te Doganave.
8. Nje kopje e ketij vendimi t'i njoftohet personalisht Administratores së Falimentimit Shpresa Breçani.
9. Nje kopje e ketij vendimi t'i njoftohet nga Administratorja e Falimentimit personalisht kreditoreve te falimentimit dhe debitorit Shoqerise "G&T" shpk, ne falimentim.
10. Administratori i falimentimit dhe kreditori i falimentimit kane te drejte te paraqesin kerkese para kesaj Gjykate per shperndarje te vonuar, ne kushtet e nenit 166 dhe vijues te ligjit.
11. Shpenzimet e procedures se falimentimit jane ne ngarkim te mases se falimentimit.
12. Një kopje e vendimit per mbylljen e procedures së falimentimit te debitorit Shoqerise "G&T" shpk, bashke me tabelen e shperndarjes perfundimtare te administratores se falimentimit Shpresa Breçani, t'i komunikohet Prokurorise se Rrethit Gjyqësor Tirane,

per verifikimin e konsumimit te veprave penale ne fushen e shoqerive tregtare dhe te falimentimit.

13. Kunder vendimit palet ne procedure e falimentimit kane te drejten e ankimit te veçante ne Gjykatën e Apelit Tirane, brenda 5 diteve nga dita e neserme e njoftimit te vendimit te arsyetuar ose nga dita e neserme e shpalljes publike te vendimit te arsyetuar ne faqen zyrtare te internetit te Gjykates dhe ne Buletinin Zyrtar të Njoftimeve Publike.

U shpall ne Tirane sot me date 06.09.2019.

~~SEKRETARE~~
~~ROVENA BEHAJ~~



GJYQTARE
MARINELA OSMANI

Vendimi mori forme te prera pasi
nuk u ankimua me dt 10.10.-2019
Tirane me dt 14.10. 2019

K / SEKRETARE
VALBONA SADIKU

